

Apom kon' hk'ih' heul' cin leuum'
leumah', leumah', kue' a ma mae' kon'a kue'ti seunyi, ma na' ka lah'.
A'eue' na' mi heul' cin a'is'leuum'nyui awah. A'eue' na' eun
lah', Euh, kaw ui' heul' cin a yeut.

Na'eun caee' ing'seut' keutong ri na' ko', Eun hot' lawk' na' lih
eun mhawng'seng'sim' na' cai laws' ka pang kleumhku' na' eun lah',
U'...sim'tit'cai ka a lah'. Puk'...puk'...puk'...puk'.

A saee' mun eun tang' lhaw' ri cha ri hot' seng' ka sim' na'
gawm' seunyi rot ti hk'a' pul na' yawo. Ma eun na' ka lah' U'... a
'eue' eun heul' cin leuum' a saee' ling'lang'. Eun hkuin' pao ing'
eun ci na' yeuh keunhaw'? Ka lah', Kaw ui' heul' hot' eun ceu.

Na' ka heul' ,ka heul' nyu cha eun ri hot'seng' cai ka na'ka
keutang ing'ti nya yawo, kon' hk'ik' na' eun cha ri eun sum'som'
eun ing'mhang' ri som'ri ma ri ka..

Ma na'ka lah', A' meuh heul cha mi ri ceu . E' lawn heul' cha ri
nang pawe ko'ca' laee sum' som' e'. Kon' hk'ih' na' eun lah' a cha
ui' ri mae' seng' sim' seng' lai' ui'ci' kaw pun ri hk'a keunhaw'.

APOM A'YA SEUNAO

Leumah, 'leumah, 'kue' a a' ya seunao ti peue. Ka kuh' nghawm' ri som'ka raen hk'eung ri heul' nang mal'. Ka tang saee' caee'yeuh kan' ri.

Na' ka kawing' som' nyi ko' ka mhawng' sim na' cai ka .A caw'caw'cae'cae'keuyaw' keuyae' ka tang'mok' ri man' seng' cai ri mae' sim' na'.

Ka hui' hui' hae'hae' na' ka caee' kuh' mung' seunyi na'.Eu'.. seunyi na' a lec a duim' sum sam ka gal' ri pao pong ka seu duih leu veul' ri. Ka hk'us' hk'as' rus ras sok ri seut' a' hk'ui'p hk'eung ri na';

Na' ka ing' rot ti nya ko'.Lic ka na' a mhang' ri som'. A uk.... uk....ak....ak. El' ka na' a tang sum' kuh a cawp'....cawp'....caep'. Caep'.

A' ya na' ka ing' pao pong seu duih leuveul' tuil' a som'ka hk'uic' hk'ai' bong' ka hk'ah'to' ri yawo.

APOM A'MAWO LAL' PEUE

Leumah, leumah, kue' a a' mawo lal' peue. Ku' ti peue na' eun ngai' fec' ku' ti peue na' eun cung vok'. A kue' ti seunyi ka sa' lit pu ri heul' oe' ri.

Na' ka caee' long hk'a' na' heul' ka nyu kleumhku' keuting ti kleum. Ku' cung vok' na' eun mung' pang ngoc hku' na' eun nyu a kue' han' sim' keuting ka cu' ci' pu ri huk' a.

A' mawo cung vok' na' eun can' ku' ngai' fec' na' eun huk' a. ku' ngai' fec' na' eun lah' un' nyu ui' hk'a' ri. A' lo' ui' ci' na' huk' a yeuh sa' nhaw'. Pawng na' mi huk' a ui' na' lah' mi mhawng' a. euh yeuh keutit' ui' na' mang huk' a aw.

Na' eun caee' huk' a ko' eun huk' rot hk'a' pang ngoc hku' na'. A' mawo cung vok' na' eun lah' meuh a awn' a hawc' mi na' pawk' ri mhawng' a. na' eun caee' pawk' ri tuil' a' mawo cung vok' ri na' eun nawk' a. Mawo hkaen a ci' meuh keunhaw'.

A' mawo cung vok' na' eun keu lawn' hpawt' ti mung' a. O' hkuin' a meuh seueueng' moe keuting. Na' eun caee' lah' a meuh seueueng' moe na' eun sum' nyu a nyawk nyaek'.

Eun seungung seumal ngai' ri na' keuting keuhteung eun keut' ti nyu hk'a' ri. A' lo' na' eun caee' nyu a meuh seueueng' keuting lang' leung' ko' eun caee' nyon a lih ti ku' ut' pang te' na' eun. Ku' ut' pang keute' na' eun ruing rang nyawk' nyaek' eun nyat' yawo cung ri na' eun kuh' hk'uih eun keut' ti cang heul' meuh lam lam ri yawo.

HK'A' Ut'NYAWK'UT'SAM'RAN

1. Yeuh ri seunga' seungawm. Pleng'ri is' keutui' meuh lamlam.
2. Sakhk'ohk'eung hk'a ku'hka pawtec a vang ut' ri.
3. It'meuh cawp' yam ri pis'hk'ue'nya keunamnyi ri.
4. HK'a som' un' meuh lamlam.
5. Chu'chi'rang'ri cip'nyhim ti'nyhim'cung ri sat'huik'ri meuh lamlam ri.
6. Pawva ri hk'a ku'un'chak' hk'a ku'hk'a keulawn' lihtec hpam' ka.
7. Yam it'ko' kangesut' yamkuh'e'tophk'eungit' ti meuh lamlam.
8. E'heul' nang hk'ikeute' cuip' cui'maw.

HK'A' Ut'NYAWK' Ut' NYAWK' UT SAM' RAN

1. Yeuh ri seunga' seungawm. Pleng' ri is' keutui' meuh lam la ri.
2. Huk' cawng' yeuk ri sak hk'eung ri seunga'. HK'a ku' hk'a tec a vang ut ri.
3. Pis' hk'uenya keunam nya hpak' mutong paen' con ri seunga
- 4 .Hk'a som' meuh lam lam ri. Paw oe' ri hk'a ku' un' chak'.
5. Huim' hkuc' ri ku seunyi.Chu' chi' rang' ri. Cip' nyhim' ti' nyhim cung sat' huik' ri meuh lam lam

APOM KON' HK'IH' TI PEUE

Leumah', Leumah'. Kue' a kon' hk'ih' ngamnyawk' tipeue. Eun un' laee sum' yeum, daecti eun un' yawng na' ri kawyeum ri keunhaw'. A kue' ti seunyi, eun lah' ri kaw heul' kun ri ata' mhaw' na' eun. Na' eun caee' heul' ko', A' ta' mhaw' na' eun lah' eun kaw yeum ri amoehk'i tuit ari. Euntang' ingmok' riyam uiii'...uiii'.. eunlah' "u' ca' kaw ui' laee va ri heul' nanghk'i. Kuiing' eun na' eun tuil' eun ut' nanghaw' eun kah peue ko' yam' ri heun . Akue' ti seunyi eun ti seukah' reung' amoe hk'i na' eun sat' huik' ri na' a punrihk' oshak' cing' eunna' peunaeng'. Ce bai'a, ahkuin' rai' a baetti keucu nyawk' eunyeum rika yawo.

NGAK' MAEE' HAN

1. Seunyi kuc'reng ati seunyi na'ngak' na' a lihnyu leuum'keunam klong' na'.
2. Sum' nyu a leuum'nyawk' ngak' na' a seue'kawl'reng ri nyui leuum'.
3. Ngak' na' yamnyui a leuum' han titu' alue' ri ing' rot nang gal' ka na'.
4. Han na' a panghk'aes' gawm' tu'ri a ngamnyawk'.
5. Ngak'na' "Mi saee' hk'o' leumeus' ngam alah' ari han na'.